

Esekiel

Isrel ämawebe ämatä komeken irirä Profet Esekieltä Anutu täño manbiñam yäwetkuk

Esekiel 2:1-5

Anutu täño meni jinom yäñahäwani kubä

2 ¹Täñpäkañ Yawetä ñode näwetkuk;
Äma täño nanak, gäk akuñpäñ iriri man kubä gäwerayäj yäk.
²Ude näweränä Munapiktä näk magätpäj yäpmäj päñaku nepmañpäñ
käronj itkañ Anututä man ñode yäñjirän nadänkut; ³Äma täño nanak,
Isrel äbotken gäwera api kwen. Äbot uwä peñawäk täñpanitä mäde ut
namiñkuñ. Ämawebe apiño itkañ u äbekiye oraniyetä man bitnäc täñ
yäpmäj äbuño udegän ärowani pen täñ namik täkañ. ⁴Uwä gwäki
kehäromi, manna nämoinik buramik täkañ. Unita Ekäni Yawe ärowani
näkä man gäwerayäj täyat udegän kañ yäwet yäk.

⁵Täñpäkañ uwä äbot ärowaniinik unita yäweriri nadänpäñ nämö
käwep api nadäj gamineño upänkañ ñode api nadäwä tumneñ; Profet
bureni kubätä bämopninken itkañ man niwetkuk yäj api nadäneñ.

Esekiel 17:22-24

Anututä Isrel ämawebe täñkentäj yämikta yäñkuk

17 ²²Ekäni Yawe ärowani näkä ñode yäyat;
Näkñawä bänäm päya kubä kärukiinik tokätpäj api piwet. U
käruki kwini punin unu nanik tokätpäj pom tañi käronji täño miñgupi
terak api piwet. ²³Bureni, Isrel kome täño pom käronji terak api piwet.
Piñjira säkgämäninik äronpäñ momi tañi täñpäñ mujipi täñwädäk-wädäk

api täneŋ. Ude irirän barak mebäri mebäri päya uterak bukäni tänpän äyuŋ api itneŋ. ^{24 a} Tänpäkaŋ päya äwanken it yäpmän kukaŋ unitä näka ŋode api nadäwä tumneŋ; Yawe näkä päya käroŋi käroŋi madäŋpewa maŋirä päya keräpi tänpewa api käroŋ täneŋ. Ba päya pähämi obät ikek tänpewa api kubit täneŋ. Täŋkaŋ päya kubit täwani tänpewa pähämi obät api täneŋ. Yawe näkä yäyat ude api täŋpet yäk.

Esekiel 18:1-4, 19-32

Ämawebe täŋo bänepi uwä Anututa biŋam

18 ¹ Yawe täŋo meni jinomtä jukunaken ŋode äpmoŋkuk; ² Ämawebetä Isrel äbotta yänpän man wärani ŋode yäk täkaŋ uwä goret yäk täkaŋ;

Naniyetä imaka jägämi naŋirä nanakiyetä meni jiwät täkaŋ.

³ Ude nämo! Ekäni Yawe näkä bureni-inik ŋode gäwetat; Isrel ämawebetä man ude wari nämo api yäneŋ. ^{4 b} U imata, ämawebe täŋo bänepi kuduŋtagän uwä näkŋogän. Nan ba nanaki täŋo bok u näkŋogän. Unita ŋode nadäwut; Äma momi täŋpeko äma u ini-tägän uyaku api kumbek, nanaki nämo.

....

¹⁹ Tänpäkaŋ imata ŋode näwet täkaŋ? Nanitä momi täŋpeko unitäŋo kowata imata nanaki terak bok nämo ärowek? Ude nämo. Bureni ŋode täwetat; Nanakitä kudän siwoŋi tänpän näkŋo man kudup buramikta ket tänpän kuŋat täŋpeko unita kodak irek. ^{20 c} Äneŋi ŋode gäwetgän tänpa; Äma momi täŋpeko äma u ini-tägän uyaku api kumbek. Nanitä momi täŋpeko unitäŋo kowata nanaki terak bok nämo ärowek. Ba nanakitä momi täŋpeko unitäŋo kowata nani terak bok nämo ärowek. Nämo, äma siwoŋi täŋo siwoŋi kuŋat-kuŋattä iŋamnaken api täŋkentän imek. Täŋ äma waki täŋo wakinitä manken api tewek.

^{21 d} Tänpäkaŋ bureni ŋode täwetat; Äma waki kubätä momi kädet mäde ut imiŋkaŋ näkŋo man kudup buramiŋpän kudän siwoŋi terak kuŋarayän täko uwä kodakigän api irek, nämo api kumbek.

²² Momi ätu bian täŋkuko unita näk api guŋ täwet. Täŋ imaka siwoŋi tänpayän täko unita yänpän kodak api irek. ^{23 e} Jide? Ekäni Yawe näkä äma waki kumaŋirä gäripi nadäwet? Nämo! Momi täŋpanitä momi kädet mäde ut imiŋirä irit säkgämän yäpmäkta gäripi nadäk täyat.

^a 17:24 Sam 75:6-7; Luk 1:52-53; 1Ko 1:27-28 ^b 18:4 Rom 6:23; Gal 3:22

^c 18:20 Hib 9:28; 1Pi 2:24; Rom 2:6-9; Rev 22:14-15 ^d 18:21 Ais 55:7; Apos 3:19,

26:18-20; 1Ti 1:13-16; Jem 4:8-10 ^e 18:23 Sam 147:11; Luk 15:4-7,10,22-24,32; 1Ti 2:4; 2Pi 3:9

^{24f} Tāŋ āma siwoŋi kuŋarani kubätä siwoŋi kuŋat-kuŋat kädet peŋpāŋ kudān tarāki, āma wakitā tāk tākaŋ u tāŋpayāŋ tāko uwā tāga api irek? Nāmoinik. Imaka tāgatāga bian tāk tāŋkuko unita kubā nāmo api juku piwet. U tāŋnākŋarani tāŋpāŋ momi kädet iwatak unita u kaŋ kumbān.

²⁵ Upāŋkaŋ ŋode yāk tākaŋ; Ekānitā kudān ude tāk tāyak uwā siwoŋi nāmo! yāŋ yāk tākaŋ. Unita Isrel āmawebe in man tāwerayāŋ tāyat ŋo juku peŋpāŋ nadāwut. Intā nākŋo kudān unita siwoŋi nāmo yāŋ yāk tākaŋ? Nāmo, kudān injinken uyaku siwoŋi bureni nāmowā! ²⁶ Āma siwoŋi kubätä kädet tāga peŋpāŋ kädet waki tāŋpāŋ kumbeko uwā, wakini unita yāŋpāŋ kumbek. ²⁷ Tāŋpākaŋ āma waki kubätä momi kädet peŋpāŋ kädet siwoŋi iwarayāŋ tāko uwā nāmo api kumbek. Nāmo, u sākgāmān api irek. ²⁸ Āma uwā tāktāki kawān siwoŋi nāmo tāŋpāpāŋ kädet waki u peŋpāŋ unita nāmo api kumbek. Nāmo, u api irek. ²⁹ Nāk kädet u iwarira Isrel āmawebe intā ŋode yāk tākaŋ; Ekāni tāŋo kädet u siwoŋi nāmo yāŋ yāk tākaŋ. Upāŋkaŋ ude nāmo! Kudān injinken uyaku siwoŋi bureni nāmowā!

³⁰ Eruk, Ekāni Yawe ārowani nākā Isrel āmawebe inā ŋode tāwerayāŋ; In, injin kubākubā tāŋo tāktākjin terak api yāpmāŋ daniwet. Unita bānep āyāŋutpāŋ waki kädetjin u māde ut yāmut. Ude tānayāŋ tāŋo uyaku momijintā in nāmo api tāŋpān wanēŋ. ³¹ O Isrel āmawebe, in mebāri imata kumākta gāripi nadākaŋ? Ude nāmo. Tāktākjin waki tāŋ itkaŋ u kudup peŋ moreŋkaŋ bānep kodaki ba nadāk-nadāk kodaki kaŋ yāput. ³² Ekāni Yawe ārowani nākā ŋode tāwetat; In kubätä kumākta nāmo nekaŋ unita momi kädet māde ut imiŋirā nadāŋ tamiŋira sākgāmān kaŋ irut.

Esekiel 33:7-9

Momi āma yāpā-siwoŋtakta man

33 ⁷ Yawetā Esekiel ŋode iwetkuk; Komen āma, Isrel āmawebe watāni itta iwoyāŋpāŋ gepmaŋtat. Unita āmawebe unita umun man yāwerayāŋ yāŋpāŋ gāk gāwerakaŋ gākā yāŋahāŋpāŋ kaŋ yāwet. ⁸ ⁸ Unita āma waki tāŋpani kubā bureni api kumben yāŋ iwerakaŋ gākā āma u waki kädet u pekta jukuman nāmo iweriri momini nitek kumbayāŋ tāko uwā nāk gākā goret tāŋpewi kumāntak yāŋ gāwetpāŋ manken api gepmaŋpet. ⁹ Tāŋ āma udewani wakini māde utta jukuman iwerikaŋ nadāŋ parit momi kädet gwāk pimiŋpāŋ tāŋtāŋ kuŋtāŋgān momini nitek api kumbek. Tāŋpākaŋ gāk tāga api iren.

^f 18:24 Mat 13:20-21; Jon 6:66-70; Gal 5:7; Hib 6:4-6, 10:26-31,38-39; 2Jo 1:8

⁸ 33:8 Apos 20:26-27; 1Ti 5:22

*Esekiel 34:11-16, 23-24***Ekäni ini uwä yawak täño watä äma tågagämän**

34 ¹¹Ekäni Yawe ärowani näkä ñode täwetat; Näkña yawaknayeta wäyäkñeñpäñ yämagutkañ watäni säkgämän api it yämet. ¹²Yawak täño watä ämatä yawakiye inigän inigän kwani yämagut päbä kubägän yepmañpäñ watäni it täkañ udegän api täñpet. Yawaknaye kadäni wakiken iwantä däpmän yawat kireñpewä kuñtäñpä kuñkuño uken nanik äneñi yabän ahäñpäñ kudup api yämaguret. ¹³U ämatä komeken nanik yämagutpäñ yäñ-yäkñat yäpmän ini komen Isrel uken äneñi api äbet. Ude täñpäñ pom terak-terak ba ume dubiniken ba kome täga ätuken yäñ-yäkñat yäpmän kuñkañ äbäk täñira ketem säkgämän nañpäñ api itneñ. ¹⁴Watäni it yämiñira Isrel täño pom ba awañ muyeñ iraniken kuñatpäñ säkgämän api itneñ. ¹⁵Täñirä näkña-tägän yawaknaye unita watäni itkañ yämagut yäpmän päñku yepmañpa kome tågaken itpäñ-nadäk api täneñ. Ekäni Yawe ärowani näkä ude yäñkehärom täyat. ¹⁶^h Täñpäkañ yawak ätutä paotpeñ kunayän täño uwä wäyäkñeñpäñ yabän ahäñpäñ äneñi api yämagut yäpmän äbet. Täñkañ jibi yäpmänpäñ womän tokñewani uwä api uwäktän yämet. Ba käyäm ikek imaka, watä piä täñ yämiñira api täganey. Täñ yawak gupi tañi tañi ba kehäromi nikek uwä api täñpa waney. U imata, näk kädet siwonigän täñpäñ yawaknaye watäni it täyat unita.

....

²³Täñkañ yawaknaye u watäni itta intäjukun äma kubä piä ämana Devit udewani iwoyäñpäñ teñira yawak unita watäni säkgämän api irek. ²⁴ⁱ Täñirän Yawe näkña unitäño Anutuni api it yämet. Ude irira intäjukun äma piä ämana Devit udewanitä api yabän yäwarek. Näkña ude yäñkehärom täyat.

*Esekiel 37:1-14***Äma kujat jirañ yabäwani**

37 ¹Yawetä nepmäñitpäñ Munapikitä yäñnäkñat päñku awañ kubä, äma kujat bumta parirä u bämpiken nepmañkuk. ²U yäñnäkñat yäpmän kujat jirañ u gänañ kuñ-äbän täñirän ñode kañkut; Kujari jirañ kawukiinik awañ pähap u unitägän yeñpäñ itkuk. ³^jUde yabäñira Yawetä näwet yabäñkuk; Äma täño nanak, jide nadätan?

^h 34:11-16 Sam 23, 119:176; Ais 40:11; Mak 2:11; Luk 15:4-6; Jon 10:11,16; Apos 2:21

ⁱ 34:23-24 Ais 9:6-7; Mai 5:2-5; Mat 28:18; Luk 1:23; Apos 5:31; 1Ko 15:25; Hib 13:20; 1Pi 2:25, 5:4; Rev 22:16 ^j 37:3 Jon 5:21; Apos 26:8; Rom 4:17; 2Ko 1:9; Hib 11:19

Äma kujari ŋo äneŋi irit täga yäpneŋ? Yäwänä iwetkut; O Ekäni Yawe ärowani, gäkŋa-tägän nadätan.

⁴Ude yäwawä Yawetä näwetkuk; Gäk kujat jiraŋ ŋonita manna biŋam ŋode yäwet; Äma kujat kawuki in, Yawe täŋo man ŋo nadäwut!
⁵Ekäni Yawe ärowanitä äma kujari in ŋode täwetak; Nadäkaŋ? Näk woŋ piänpewa in gänaŋ äpmonpakaŋ irit api yäpneŋ. ⁶Bureni, näk tohatjin peŋpäj guŋjin api uwäktän tamet. Ude täŋkaŋ woŋ piänpewa in gänaŋ äpmonpakaŋ unitäwä irit api tamek. Ude täŋjira näkawä U Yawe yän api nadäwä täreneŋ.

⁷Eruk Yawetä man näwetkuko udegän yänahänpän yäwet ittängän nadänkut; Äma kujat mämä täŋjirä. Tänpäkaŋ yabänjira kujari-tägän ini yäpurärätkuŋ. ⁸Tänpän yabänkut; Toharitä kujari terak ärowäkaŋ gupi uwäk täŋ yäminkuk. Upänkaŋ irit täŋo mänit nämo yäpuŋ.

⁹Ude yabänjira Anututä näwetkuk; Äma täŋo nanak, mena yäpmänpän mänit ŋode iwet; Ekäni Yawe ärowanitä ŋode gäwetak; Ukädätä-ukädätä äbänkaŋ äma kumbani ŋo irit yäpmäkta woŋ piän yäwat. ¹⁰^mEruk, Yawetä man näwetkuko udegän yänahänpän iwerira mänittä äma u gänaŋ äpmonpakaŋ irit ikek tänpän akuŋpän itkuŋ. Itkuŋo uwä äma äbot pähap ude täŋkuŋ.

¹¹Tänpäkaŋ Yawetä man ŋode näwetkuk; Äma täŋo nanak, äma kujari yabäno uwä Isrel äbot päke ude bumik. Isrel äbottä ŋode yäk täkaŋ; Kujatnin kawuk tawäpän ude itnayän nadänkumäŋo u bureni nämo ahänkuk. Säkgämän iritnin paotak uba yän yäk täkaŋ. ¹²Ude yäk täkaŋ unita mena yäpmänpän ŋode yänahänpän kaŋ yäwet; Ekäni Yawe ärowanitä ŋode yäyak; Ämawebenaye, nadäkaŋ? Näk in yäwa kikuŋtpän awaŋ gänaŋ nanik akuŋjirä komejinken Isrel äneŋi yän-täkŋat pänku api tepmanpet. ¹³ⁿUde täŋ tamiŋjira ämawebenaye intä näkawä Yawe yän api nadäwä täreneŋ. ¹⁴^oTänpäkaŋ Munapikna in gänaŋ pewa äpmonpakaŋ irit tamiŋjirän komejin kujatken api tepmanpet. Ude ahänjirän Yawe näkä manna biŋam yänkuroniktä bureni pewa ahätak yän api nadäneŋ. Yawe näkä man ude yäyat.

^k 37:4 Ais 42:18; Jon 5:25,28-29; Rom 10:13-15 ^l 37:5 Stt 2:7; Sam 104:28-29; Jon 20:22; Rom 8:2; Efe 2:5 ^m 37:10 Rev 11:11 ⁿ 37:13 Sam 126:2-3 ^o 37:14 Jol 2:28-29; Sek 12:10; Rom 8:11; 1Ko 15:45; Tai 3:5-6